


**JABUETSUATIQUE
DIUSU SA MIMI**

NUEVO TESTAMENTO

Jesucristo I



**JABUETSUATIQUE
DIUSU SA MIMI**

NUEVO TESTAMENTO

Jesucristo I

TACANA

LIGA BIBLICA MUNDIAL



LAS SAGRADAS ESCRITURAS PARA TODOS

en colaboración con
El Instituto Lingüístico
de Verano
Cochabamba, Bolivia

Impreso por CALA - La Paz , Bolivia

Agosto 1983

315

AGRADECEMOS

a

David C. Cook Foundation
Elgin, Illinois, E.U.A.

quien nos ha provisto con
los dibujos.
(menos el de la página número 7)

y a

La Liga Bíblica del Hogar de Canadá
por su contribución
para la publicación de este libro.

PROLOGO

Ye quirica da Nuevo Testamento sa equene quirica ebuetsuati puji. Tueda quirica cuana su micuaneda ebuetsuati Diusu ja Nuevo Testamento su micuana equisatani. Da su ebuetsuati puji micuaneda Diusu sa Mimi derejiji Nuevo Testamento banime ani taji. Nuevo Testamento jenetia versículo cuana micuaneseda jabuetsuati taji, Diusu sa Mimi ebuetsuatiani je. Tueda versículo cuana micuaneda ye quirica cuana su eteje.

Ye quirica ja metsahuataque Diusu sa Mimi eshanapaeni puji. Diusu ja meibunebataque micuana sa jabuetsuati jepuiti.



NUEVO TESTAMENTO JEPUITI QUIISA

Equene Antiguo Testamento anidha. Tije yani Nuevo Testamento. Antiguo Testamento su Diosu quisa pupiruidha ai cuana Nuevo Testamento su quisa epupeni. Antiguo Testamento su dueji cuaja epu ai cuana derejiji yani. Diosu ja Nuevo Testamento su ecuana equisatani cuaja ecuana D'eji su Aji ye mundo su pueidha. Daja huecha ecuana equisatani cuaja ecuaneda d'eji su epu, Jesucristo peje su jei pu putsu. Daja huecha Diosu peje su jei eputani cuana ebuetsuatani cuaja Diosu sa tsada batame tuna papuniuneti puji. Nuevo Testamento sa 27 quirica cuana yani.

- 1) Pushi equene quirica cuana ja ecuana equisatani cuaja Cristo ye mundo su puniunetidha.

Mateo	Marcos
Lucas	Juan

- 2) Pia quirica ja ecuana equisatani apóstol cuana sa ai jaati cuana jepuiti.

Hechos

- 3) Beta tunca piada ejaitiana quirica cuana ja Diosu peje su jei eputani cuana ebuetsuatani cuaja saida puniunetime paputa puji.

Romanos	1 y 2 Corintios
Gálatas	Efesios
Filipenses	Colosenses
1 y 2 Tesalonicenses	
1 y 2 Timoteo	Tito
Filemón	Hebreos
Santiago	1 y 2 Pedro
1,2,3, Juan	Judas

- 4) Piada quirica ja bahui ecuana equisatani cuaja ai cuana epu jepuiti.

Apocalipsis

Jeutsuque ye jaquisabati cuana. Dereque upia quirica su.

1. ¿Ai ecuana ebuetsuatani Nuevo Testamento ja? _____

2. ¿Quejucua quirica cuana Nuevo Testamento sa yani? _____

3. Jabuetsuatique cuaja epuani pamapa quirica cuana.

Jabuetsuatique pamapa 27 Nuevo Testamento quirica cuana sa ebani.



EVANGELIO CUANA: MATEO, MARCOS, LUCAS, JUAN

Tueda pushi evangelio cuana ja ecuana equisatani cuaja Jesucristo ye mundo su puniunetidha. Cuaja tu bataji puidha, mudumuidha, manuidha, id'eibaidha, cielo su tsuatibaidha equisatani. Daja huecha cuaja jasiapatime epu ye mundo su equisatani. Tueda quirica cuana pushi tsapiapiati deja sa jadereti biame, tupupai piada piba su cama. Da putsu, ecuaneda bahue tueda pushi evangelio quirica cuana da ene quita.

Jabuetsuatique ye ai quisa cuana:

- 1) Mateo ja deretaidha Jesucristo judío cuana sa Echua Puji ebame puji.
- 2) Marcos ja deretaidha Jesucristo emebajaji nime ebame puji.
- 3) Lucas ja deretaidha Jesucristo deja jucha mahue ebame puji.
- 4) Juan ja deretaidha Jesucristo Diosu sa Ebacua ebame puji.

Mateo, Lucas quirica detse su ecuaneda etejeinia Jesucristo sa tata chenu cuana sa ebani cuana derejiji yani. Mimiape taji pamapa pushi evangelio quirica cuana. Mebuetsuatija tueda evangelio cuana cuaja Cristo puina saida eshanapa puji.

1. ¿Ai jepuiti quisa epuani pushi evangelio cuana? _____

2. Upia dereque pushi evangelio cuana sa ebani. _____

3. ¿Cuaja ebametani Jesucristo pushi evangelio cuana ja?

Mateo _____

Marcos _____

Lucas _____

Juan _____

Jabuetsuatique saida Nuevo Testamento quirica cuana sa ebani.



EQUENE BEJU JESUCRISTO ANIDHA

Mimiameque Juan 1.1-5

Piada Diusu bahui yani. Tueda da quimisha biame, piada hue epuani. Tata Diusu, Jesucristo, Espíritu Santo da piada su cama dunejiji yani. Diusu mu aimue epupiruji mahue. Daja huecha epupeyuji mahue. Tuneda quimisha daja hue anidha, pamapa ai cuana ajiji mahue su. Tata Diusu mu quita mahue. Tueda da espíritu bahui. Equene Adán jucha ataidha jepuiti, netideraidha Diusu peje jenetia. Da tiempo jenetia pamapa cristiano cuana Diusu peje jenetia netiderajiji eputani. Da su Diusu ja pibataidha cuaja neicha cristiano cuana tu peje su nimebutsepi yameyu puji. Mesa piada quita Ebacua Jesucristo beitutaidha ye mundo su yanana bataji papu puji, pabauna puji, deja quitaji paani puji. Da su Cristo pueidha pamapa cristiano cuana sa jucha cuana jepuiti emanu puji. Manu putsu, id'eibana. Id'eiyu putsu, cielo su tsuatibana. Pamapa tu peje su jei eputani cuana Diusu neje cielo su eid'e yanienititayu. Mateo, Marcos, Lucas, Juan cuana ja ecuana equisatani cuaja Tata Diusu ja mesa jamitsuti puana batame atana.

1. ¿Quejucua Diusu yani? _____

2. Dereque piada quita Diusu sa quimisha ebani cuana. _____

3. ¿Ai puji Tata Diusu ja Jesucristo ye mundo su
beitutaidha? _____

Jabuetsuatique versículo Juan 1.1.

Dereque upia pushi evangelio quirica cuana sa ebani.



JUAN BAUTISTA, DAJA HUECHA JESUCRISTO SA BATAJI EPU QUISA

Antiguo Testamento su profeta cuana ja deretaidha cuaja ai cuana epu jepuiti. Daja huecha quisa puidha piada quisa puji Jesús hui su epue judío cristiano cuana ebaseta puji, Jesús epue su puji. Mimiameque Isaías 40.3. Tueda quisa puji sa ebani da Juan Bautista. Mimiameque Lucas 1.5-25 y 57-80 cuaja Juan Bautista bataji puana eshanapa puji. Piada ángel ja quisataidha Zacarías cuaja tusa ebacua Juan bataji epu. Da su pad'i ángel ja María quisataidha tusa ebacua D'ejí su Jaatiji cuaja bataji epu jepuiti. Mimiameque Lucas 1.26-56. Juan sa cuara Elizabét da María sa edue puji puina. Da su María ja Elizabét peretitaidha su, jaquisatidha tse María sa ebacua D'ejí su Jaatiji epu jepuiti.

1. ¿Cuaja ni da epuani Antiguo Testamento su Jesús hui su quisa puji jepuiti? _____

2. ¿Aidhe ni da Juan Bautista sa tata detse puina? _____

3. ¿Jucuaja su Zacarías ja jei ataidha mahue, ángel ja tu bacuaji epu quisataidha su? _____

4. ¿Jucuaja su equene María ja ángel aimue jei ataidha mahue, tu bacuaji epu ángel ja quisataidha su? _____

Jabuetsuatique saida versículo Juan 1.1.

JUAN BAUTISTA

Mimiameque Marcos 1.2-8; Mateo 3.1-12; Lucas 3.1-9,15-17.

Tata Diusu ja beitutaidha Juan Bautista Jesucristo da Diusu sa Jabeituti Deja cristiano cuana paquisata puji. Daja huecha pamapa tu peje su jei eputani cuana d'ejí su eputa paquisata huecuana puji. Beju daja Juan quisa pupiruidha cuaja Diusu ja cuatsasiataidha batame. Beju tueda anidha d'anita yahua su. Cristiano cuana tu peje su putitaidha mesa quisa cuana eid'aba puji. Juan quisaquisa puidha Diusu peje su panimeturucata huecuana puji. Janimeturucati putsu, Diusu sa puji ichaderametaidha huecuana Jordan ena su. Tuahueda eichaderainia je, Jesucristo ja Espíritu Santo sa tucheda neje eichaderata huecuana quisataidha.

1. ¿Quepia Juan Bautista quisaquisa puidha? _____
2. Juan Bautista, ¿ai jenetia mesa ejud'uji puina? _____

3. ¿Ai mesa ediaji puina? _____
4. ¿Ai neje Jesucristo ja cristiano cuana eichaderata Juan
Bautista puidha? _____
5. ¿Aidhe ni da Diusu sa Jabeituti Deja puina? _____

Jabuetsuatique versículo Marcos 1.7.

JESUCRISTO BATAJI PUIDHA

Mimiameque Lucas 2.1-20.

Diusu ja dharetaidha María tu peje jenetia Jesucristo bataji papu puji cuaja ye mundo su yanana cuana bataji epuani nime. Beju Diusu ja María dheji ametaidha deja shanapaji mahue. María sa jajemiti jamitsuti José neje anidha biame, Diusu ja piada ángel José peje su beitutaidha uja paquisata puji:

--Be tsada mahue baji María ebutse puji, María sa ebacua ye mundo sa cristiano cuana D'ejí su Aji epu putsu.

Da su José ja Diusu jei a putsu, María neje daja hue anitiana tse María sa ebacua José sa ebacua papu mahue biame. Diusu sa tsada puidha mesa Ebacua puri cristiano cuana peje jenetia bataji papu puji. Daja huecha pasehuameta puji. Animalo cuana sa eti jude pia puri su bataji puidha. Jesucristo bataji puidha su, Diusu sa ángel cuana ja huisha quinaji puri cristiano cuana equene quisapirutaidha. Cielo jenetia Diusu deja puri jabametidha cristiano puri cuana sa sufrimiento cuana eshanapa puji.

1. ¿Quepia anidha María, José neje? _____
2. ¿Ai epu puji Belén ejude su putidha tse? _____

3. ¿Ai Jesucristo sa equene tahui jude puina? _____

4. ¿Aiya quisapiruidha huisha quinaji cuana, Jesucristo
bataji puidha su? _____

5. ¿Quejucua tsine jenetia Jesús sa ebani ichataidha tse?

Jabuetsuatique versículo Juan 1.14.



JOSE MESA FAMILIA NEJE JUDUDUIDHA

Mimiameque Mateo 2.1-23.

Jesús bataji puidha su, piada atujai aida buepa su bataji puidha. Deja bahue eni cuana yahua uqueda su atujai ba putsu, japibatitaidha huecuana judío cuana sa echua puji puidha. Antiguo Testamento su profeta cuana ja quepia ejude su Jesucristo bataji epu deretaidha. Mimiameque Mequíás 5.2. Uja epuani: "Belén Efrata, mida da ejude huaichidi Judá yahua su yani. Beju mida da huaichidi biame, mi peje jenetia quema Echua Puji bataji epu. Ye yahua aimue su, tueda quema Echua Puji eid'e anidha." Bahue eni deja cuana ja piada ahua beta mara atujai tije ataidha judío sa echua puji eteje puji. Chamacama cuinatitana huecuana echua puji Herodes peje su, Jesús echacuinia je. Echua puji Herodes tuna ebaseainia je, tsahuaja puidha. Tusa piba su iyuame puidha, tueda yanana echua puji ja mesa ecuatsasiati ejemita putsu. Bahue eni deja cuana Jesús mitsutsuati putsu, jasiapatitaidha mecuana sa yahua su. Da su echua puji Herodes ja soldado cuana cuatsasiataidha pamapa beta maraji teje yanana cuana pamanuamepeta huecuana. Da putsu, piada ángel José peje su bataji puidha. Uja ataidha José:

--Jududuque Egipto yahua su mique ehua ne María, yanana chidi neje.

1. ¿Aiya ni Jesús bataji puidha deja bahue eni cuana shanapametaidha? _____
2. Antiguo Testamento su, ¿quebata versículo ja ecuana equisatani quepia Jesús bataji puidha? _____

3. ¿Jucuaaja su iyuname puidha echua puji Herodes? _____
-
4. ¿Quetsunu neicha hue José jasiapatibaidha mesa yahua su Egipto yahua jenetia? _____

Jabuetsuatique saida versículo Juan 1.14.



YANANA JESUS NAZARET EJUDE SU SEHUAIDHA

Mimiameque Lucas 2.39-52.

Diusu sa Mimi quirica su aimue ecuana equisapetani mahue cuaja Jesús yanana puidha. Jesús 12 maraji puina teje bahui ecuana equisatani.

Jesús 12 maraji puina su, mesa tata detse ja dusutaidha Nazarét ejude jenetia Jerusalén ejude su pascua tsine yati puji. Tsine ape putsu, esiapatiyu puji jabasetatidha tse. Jesús, mesa tata shanapameji mahue, puti puidha templo su jacuatsasiati ebuetsuaji cuana neje quisaquisa epu puji. Dapia tu yani cama, mesa tata detse cuinanaidha. Da su Jesús chacutaidha tse su, mue teje ataidha tse eshanapa cuana duju su. Jerusalén ejude su jasiapati putsu, Jesús tejetaidha tse templo su quisaquisa epuneti jacuatsasiati ebuetsuaji cuana neje. Tueda jacuatsasiati ebuetsuaji cuana nimetiutaidha, bahu eni jajeutsuti cuana id'aba putsu. Mesa cuara ja uja quisabataidha:

--¿Jucuaja puji mi etseju daja yainia?

Uja Jesús ja jeutsutaidha mesa cuara:

--¿Jucuaja puji metseda ema echacuinia? Quema Tata cielo su yani sa ai cuana bahui quema a taji.

Da su beju Jesús jasiapatidha Nazarét ejude su mesa tata detse neje.

Dapia sehuidha. Pamapa cristiano cuana ja saida bataidha. Daja huecha mesa Tata Diusu ja saida bataidha.

1. ¿Ai puji Jerusalén ejude su José, mesa familia neje putidha? _____
2. ¿Jucuaaja su Jesús tuatse neje ai mahue mue shanapa ataidha? _____
3. ¿Quejucua tsine Jesús chacutaidha tse Jerusalén ejude su? _____
4. ¿Cuaaja puina yanana Jesús? _____

Jabuetsuatique versículo Lucas 2.52.



JUAN JA JESUS YAHUI NEJE ICHADERATAIDHA

Mimiameque Mateo 3.13-17; Marcos 1.9-11; Lucas 3.21-22.

Juan Bautista quisa puidha pia tu ebia su tucheda, bahue eni epue. Tueda uja puidha:

--Ema mu mue ai eni mahue tu emebaja puji.

Pia tsine Jesús cuinaidha Jordán ena su Juan ja cristiano cuana Diusu sa puji yahui neje eichaderatasa su. Juan ja Jesús di yahui neje ichaderataidha. Jesús ena jenetia cuinanaidha su, Espíritu Santo cielo jenetia tu bia su jabameutetidha huaitucu nime. Uja Diusu mimidha cielo jenetia:

--Mida da quema ibuneda Ebacua yama dhareana.

Da tiempo jenetia Jesús ja Diusu sa mudu putaidha ye mundo su.

1. ¿Aidhe Juan ebia su tucheda puidha? _____
2. ¿Quepia Juan ja cristiano cuana Diusu sa puji yahui neje ichaderataidha? _____
3. ¿Aidhe sa etsui id'abataidha cielo jenetia? _____

Jabuetsuatique saida versículo Lucas 2.52.

ISHAHUA JA JESUS PIRUBATAIDHA

Mimiameque Mateo 4.1-11; Lucas 4.1-13.

Juan ja Jesús yahui neje Diusu sa puji ichaderataidha su, Espíritu Santo ja Jesús Jordán ena jenetia d'anita yahua su dusutaidha. Dapia anidha pushi tunca tsine diadiaji mahue. Dapia tu yani tupu, Ishahua ja nariataidha tu epiruba puji. Uja Ishahua ja Jesús ataidha:

--Ahua mida Diusu sa ene quita Ebacua su, cuatsasiaque ye tumu cuana ai dia taji cuana patsapiati.

Beju Jesús ja jeutsutaidha Diusu sa quirica su derejiji yani neje. Tsapiapiati aba neje Jesús pirubataidha biame, cuaja jucha su dajajame taji mahue bataidha. Daja adhaa putsu, Jesús peje jenetia Ishahua netideraidha.

1. ¿Quepia Jesús putidha, yahui neje jaichaderameti putsu?

2. ¿Ai diataidha Jesús ja d'anita yahua su? _____

3. ¿Aidhe neje anidha Jesús d'anita yahua su? _____

4. ¿Aidhe epishitiame puidha d'anita yahua su? _____

Jabuetsuatique versículo Mateo 4.10.

JESUS JA YAHUI VINO PUJI PIATAIDHA

Mimiameque Juan 2.1-10.

Piada nuati Jesús, mesa cuara neje putidha ehuaneti deja ja ihuataidha tse su. Dapia jucuada ihuajiji cuana anitaina. Da putsu, vino pupeana mecuana sa. Tueda tsine cuana su vino bahui mecuana sa eid'iji puina. Da su vino pupeana su, mesa cuara ja Jesús bajataidha ai papu biame paata puji. María ja dapia aniji emebajaji cuana cuaja Jesús ja ecuatsasiatani paata huecuana quisataidha. Da su Jesús ja uja cuatsasiataidha huecuana:

--Mesejeaque yahui neje sucuta marera cuana.

Beju tuna sejeataidha su, uja ataidha huecuana:

--Emeji su icha putsu, tsine sa ecuatsasiaji metiaque paid'abata puji.

Da su tsine sa ecuatsasiaji ja ehuaneti deja uja ataidha:

--Ye vino ebia su saoda quita. Miada ichasetaitia ebia su saida vino tije su puji. Pia cuana ja vino saida equene eichatani. Tije su puji vino saida mahue eichatani huecuana beju cristiano cuana sejejiji ta su.

Tueda da Jesús sa equene ai nimetiuda aida puidha.

1. ¿Quepia yahui paichata huecuana Jesús ja

cuatsasiataidha? _____

2. ¿Cuaja puidha yahui marera cuana su? _____

3. ¿Cuaja japibatidha tsine sa ecuatsasiaji vino jepuiti,
ebia su saida ahua mahue? _____

Jabuetsuatique saida versículo Mateo 4.10.



JESUS JA IRUIRUJI CUANA TEMPLO JENETIA JUSIACUINATAIDHA

Mimiameque Mateo 21.12-12; Marcos 11.15-19; Lucas 19.45-48;
Juan 2.13-22.

Jesús putidha Jerusalén ejude su pascua tsine yati puji.
 Templo su cuinati putsu, Diusu peje su animalo irutsuaji cuana
 iruiruji cuana ja juye, huisha, huaitucu cuana eirutasaina
 bataidha, aimue dapia mecuana sa iruiru taji mahue biame.
 Daja ba putsu, Jesús duininidha. Huacabiti neje
 cuadejusiacuinapeaidha iruiruji cuana. Uja ataidha huecuana:

--Mejemicuinapeque ye pamapa ai cuana u jenetia. Be quema
 Tata sa ete iruiru jude meaji.

Da su judío cuana ja Jesús uja quisabataidha:

--¿Ai ni mique a taji tueda ai cuana neje? Ahua mida Diusu sa
 Jabeituti Deja su, bameque ecuanaju ai nimetiuda.

Da su Jesús uja jeutsutaidha huecuana:

--Ye da quema ai nimetiuda micuana ebame: Ahua micuana ye
 templo eberebera su, quimisha tsine jenetia neicha yama
 enetianameyu.

Jesús templo jepuiti emimiani je, mesa equita quitaita jepuiti
 mimidha. Aimue Jerusalén ejude su mudujiji templo jepuiti
 mimidha mahue. Tueda mu cuaja mesa equita manu putsu, quimisha
 tsine jenetia enetianayu jepuiti quisa puidha.

1. ¿Jucuaja su Jesús Jerusalén ejude su putidha? _____

2. ¿Ai puji templo su animalo cuana irutasaina huecuana?

3. ¿Jucuaja su duininidha Jesús? _____

4. ¿Ai nimetiuda Jesús bameja puidha? _____

5. ¿Quebata templo Jesús ja quimisha tsine jenetia
enetianameyu puidha? _____

Jabuetsuatique versículo Juan 3.16.



NICODEMO

Mimiameque Juan 3.1-21.

Piada dhidha Nicodemo ja Jesús peretitaidha. Tueda da judío cuana jenetia piada bahue eni ehuidusuji aida puina. Tueda da fariseo puina. Jesús peje su dhidha su putidha aiya biame ebata mahue puji. Jesús sa jabuetsuati cuana bahue puja puidha. Tuahueda Jesús uja ataidha:

--Ebuetsuaji, bahue ecuanaju Diosu ja mi beitutana ecuanaju ebuetsua puji. Mique ai nimetiuda cuana ja ecuanaju ebametani.

Da su Jesús ja Nicodemo jeutsutaidha uja:

--Ene putsu, mi yama butsepi equisainia, ahua etse cielo su Diosu neje anienitija su, neicha eichacua bataji epuani nime etse sa pu taji.

Da su Nicodemo ja uja ataidaha:

--¿Cuaja mi emimiani? ¿Ai deja mesa cuara sa edhe su nubiti putsu, neicha bataji pu cua bata?

Jesús ja uja Nicodemo jeutsutaidha:

--Yama mi equisainia, ahua etse cielo su Diosu neje anienitija su, equene nime eichacua pu taji, quema quisa cuana su jei pu putsu. Espíritu Santo di mesa ani taji.

Jesús, Nicodemo neje daja hue pia ai cuana jepuiti quisaquisa puidha. Da su Nicodemo jabuetsuatidha cuaja Jesús ja cristiano cuana ye mundo su d'eji su ame yata.

1. ¿Jucuaaja su Nicodemo ja Jesús dhidha su peretitaidha?

2. ¿Cuaja ni da etse beta nuati bataji pume pu cua? _____

3. ¿Cuaja puji Diusu ja mesa Ebacua ye mundo su beitutaidha?

4. ¿Cuaja eputa Diusu peje su enimetuheatitani mahue cuana?

5. ¿Cuaja eputa Diusu peje su enimetuheatitani cuana?

Jabuetsuatique saida versículo Juan 3.16.



JESUS JA MITSUTAIDHA EPUNA SAMARIA YAHUA SU

Mimiameque Juan 4.1-42.

Jesús Judea yahua jenetia cuinanaidha. Samaria yahua je mesa jaitiana taji puina mesa ejude quitaita Nazarét su ecuinati puji. Judío cuana samaritano cuana neje jaduininibatitaina. Buepatia yeuque Jesús Samaria yahua su Sicar ejude naja su cuinatidha. Mesa discípulo cuana tueda ejude su nubitaidha mecuana sa ai dia taji cuana echacuti puji. Da cama, Jesús aniutidha ejanahua puji yahui rara naja su. Tu ejanahuani cama, piada epuna pueidha ejude jenetia yahui ejemiti puji. Da su Jesús ja bajataidha yahui eid'iti puji. Samaritana epuna japibatidha uja: "¿Jucuaja su ye judío deja ja ema emitsutani, judío cuana samaritano cuana neje aimue emitsutitani mahue putsu?" Da su Jesús ja uja jeutsutaidha epuna:

--Epuna, ahua miada aidhe neje mi emitsutiani shanapa cua su, da su miada ema baja cua eid'e epu puji.

Da su samaritana ja Jesús uja quisabataidha:

--Aimue mique emeji ani yahui ejemi puji. ¿Que jenetia detse miada ema tia cua yahui eid'e epu puji.

Jesús ja epuna uja jeutsutaidha:

--Pamapa ja ye yahui eid'ita biame, neicha jaid'itija huecuana epu. Quebata ja mu yama etia yahui eid'ita su, tueda da aimue jaid'itija epuicha mahue. Tueda yama etia yahui da tusa enime su ena putiputi nime epu.

Da su epuna ja uja ataidha:

--Da su tiaque ema tueda yahui ema jad'itija epuicha mahue puji, aimue ye yahui rara su yahui ejemitsua puji epuicha mahue puji.

Jesús epuna neje daja hue quisaquisa epuneti cama, chamacama epuna japibatidha Jesús da Diosu sa Jabeituti Deja. Da su ejude su epuna putidha mesa eshanapa cuana cuaja Jesús ja tu quisaquisa ataitia equisati puji.

1. Mapa su chacuque Judea, Samaria yahua detse. Chacuque Sicar, Nazarét ejude detse di.
2. ¿Cuaja banime Jesús sa ejude? _____
3. ¿Quebata cristiano cuana judío cuana ja duininibataina?

4. ¿Quebata yahui id'i putsu, etse jaid'itiyuja mahue epuani?

Jabuetsuatique versículo Juan 4.14.



EBIA SU SE CUANA JEMITAIIDHA HUECUANA

Mimiameque Lucas 5.1-11; Marcos 1.16-19; Mateo 4.18-22.

Piada tsine Jesús Galilea bai maje je quisaquisa puniunetidha. Dapia ebia su cristiano cuana jadhitatitaidha Jesús quisaquisa epuneti eid'aba puji. Jesús cristiano cuana d'eji mahue ba putsu, piada canoa bai maje su esa su nubidha da jenetia cristiano cuana quisaquisa ya puji. Canoa emetse detse Simón, mesa edue Andrés puina. Cristiano cuana quisaquisa ape putsu, Jesús ja uja quisataidha tse:

--Meputique dueda su. Dapia mesiaque tarrafa. Daja a putsu, jucuada se eina.

Da su Simón ja uja Jesús quisataidha:

--Dhidha tupu yanacane etseju esia pudhidhaja. Mue etseju piada biame ina. Daja biame, miada etseju ecuatsasiatani putsu, neicha etseju esia papu.

Da su beju ebia su se inataidha tse. Tuatse sa tarrafa ed'uiti piba puidha. Pia canoa su Jacobo, Juan detse anina.

Ihuataidha tse pariretsuatsahuata puji. Beju betana su canoa detse se cuana neje sejeataidha huecuana putsu, canoa detse bai su enubi piba puidha. Da su Simón Pedro, Jesús butse su tururu putsu, uja ataidha:

--Echua Puji, putiuque ema peje jenetia, ema mu jucha aida putsu. Aimue tse ema mi neje puniuneti cua mahue, mida butsepi putsu.

Da su Jesús ja uja ataidha Pedro:

--Tije ema aque. Yama mi cristiano ema peje su duseji ya.

Da hora su Simón, Andrés detse ja tuatse sa tarrafa jusiaicha putsu, Jesús tije ataidha tse. Daja huecha Jesús ja Jacobo, Juan detse ihuataidha tije paata tse puji. Tuatseda di tuatse sa ai cuana jusiaicha putsu, Jesús tije ataidha tse.

1. ¿Jucuaja su Jesús canoa jenetia quisaquisa puidha? _____

2. ¿Quepia Jesús quisaquisa putidha tueda tsine? _____

3. ¿Quejucua canoa sejeidha se neje? _____
4. ¿Ai banime canoa emetse detse? _____
5. ¿Cuaja banime putaina Jesús ja ihuataidha pushi deja cuana?

6. Mapa su chacuque Galilea bai.

Jabuetsuatique versículo Marcos 1.17.



JESUS JA APOSTOL CUANA DHARETAIDHA

Mimiamaque Mateo 10.1-4; Marcos 3.13-19; Lucas 6.12-16.

Cuaja Jesús ye mundo su quisaquisa puniunetidha, sufri eputani cuana tsahuataina su, daja huecha quejucua deja cuana cuana ja tije ataidha. Tueda deja cuana jenetia Jesús ja piada tunca beta ejaitiana deja dharetaidha. Tuneda apóstol cuana banime putaidha. Tuneda huecha discípulo cuana banime putaidha. Jesús peje su nimebutsepi, saida putaina huecuana. Jesús sa ebuetsuaji, etsahuaji putaina huecuana. Jesús ja buetsuataidha huecuana pamapa mesa ai jabuetsuati cuana. Daja huecha tuna neje Diosu ebia su mitsutaina. Daja huecha Jesús ja tiataidha ai ai nimetiuda cuana paata huecuana puji. Jesús cielo su tsuatiyuidha jepuiti quisaquisa puji cuana putaina.

Tuneda tsapiapiati deja cuana putaina. Simón Pedro, Andrés, Jacobo, Juan cuana da esia puji putaina. Pia apóstol Leví banime puina. Tueda huecha Mateo banime puina. Tueda da impuesto chuje bajaji puina. Pia cuana Felipe, Bartolomé, Tomás banime putaidha. Daja huecha anidha pia Simón, pia Jacobo. Daja huecha beta Judas anidha. Piada Jacobo sa edue, pia Judas Iscariote puina. Tueda da Jesús menajatiaji puina. Ye cuana da Jesús sa 12 apóstol cuana putaina.

1. ¿Cuaja banime putaina Jesús sa ebuqueji cuana? _____

2. ¿Quejucua apóstol cuana Jesús ja dharetaidha? _____
3. ¿Ai mecuana sa mudu puina? _____

4. ¿Cuaja banime putaina 12 apóstol cuana? _____

Jabuetsuatique mecuana sa ebani cuna.



JESUS JA DEJA ASE BUE MAHUE SAISIAMETAIDHA

Mimimegue Mateo 9.1-7; Marcos 2.1-12; Lucas 5.17-26.

Queje papu Jesús putidha je dueji cristiano cuana ja tije ataidha tu quisquisa epuani cuana eid'aba puji, daja huecha tu yatani ai nimetiuda cuana echama puji. Daja huecha pia cuana ja madhada piba neje tije ataidha. Piada tsine Capernaum ejude su ete dume su cristiano cuana quisquisa punetina. Tueda ete su d'ejí mahue cristiano cuana anitaina, etseque je huaru netitaina. Da su pushi deja cuana ja piada deja ase bue mahue chahui su mapabetaidha huecuana. Jesús ja pasaisiameta puji. Da su etsequeini je cuaja nubi taji mahue jabatitaidha huecuana, d'ejí mahue cristiano cuana putsu. Da su ete epa pachata bia su dusutsuataidha huecuana. Quejucua teja cuana jemi putsu, rara ataidha huecuana. Da da butemetaidha huecuana deja ase bue mahue chahui su. Jesús ja mecuana sa janimetucheati shanapa putsu, uja nedaji ataidha:

--Deja, yama mique jucha cuana perdonaitia.

Da su dapia jacuatsasiati ebuetsuaji cuana ja daja ba putsu, uja mimicuicuinataidha huecuna:

--¿Cuaja su ni da ye deja uja emimiani? Tuahueda Diusu emadhabatani mesa mimi neje. ¿Ai deja ja jucha cuana perdonata cua bata? Tata Diusu bahui jucha cuana perdonata cua. Beju Diusu puja epuani tueda.

Jesús daja tuna epibatitani shanapa putsu, uja ataidha huecuna:

--¿Ai puji micuaneda daja madhada epibatiani? ¿Ahua yama deja, "Mique jucha cuana yama eperdonainia", ya su, ahua yama, "Netianaque. Jemitsuaque mique chahui. Aseque", ya su, quema puji mu tupupai hue. Daja yama deja yainia micuana ebame puji, ye mundo su ema tucheda eni cristiano cuana sa jucha cuana eperdona puji.

Da su Jesús ja ase bue mahue deja uja ataidha:

--Netianaque. Jemitsuaque mique chahui. Putiyu puque mique ete su.

Da hora su nedaji netiana putsu, mesa chahui jemitsuataidha.
Putiyu puidha mesa ete su, Diusu emitsutsuainia je. Da su dapia
netiji cristiano cuana ebia su nimetiunetitaidha.

1. ¿Jucua puji cristiano cuana ja Jesús tije ataidha? _____

2. ¿Ai neda mesa puina tueda deja sa? _____
3. Chamaeni taji ye ete. Chama eni taji ete sa epa pachata.
Pachata putsu, da da nedaji dusutsuataidha huecuana.



Jabuetsuatique saida apóstol cuana sa ebani.

JESUS JA CRISTIANO CUANA BUETSUATAIDHA

Mimiamaque Mateo 5,6,7.

Piada tsine dueji cristiano cuana anitaina Jesús quisaquisa epuani eid'aba puji. Da su Jesús murucu su tsuatidha da jeneta cristiano cuana ebuetsua puji. Dapia hora tupu quisaquisa punetidha. Buetsuataidha huecuana cuaja etse nimebeidaji pu cua. Ye mundo su sufri eputani cuana da nimebeidaji eputa, Diusu ja ai saida cuana etiatayu huecuana putsu. Jesús ja buetsuataidha huecuana Moisés sa jacuatsasiati cuana jepuiti. Aimue detse aidhe biame Moisés sa jacuatsasiati cuana a putsu, d'ejí su pu cua mahue. Jesucristo peje su janimetucheati putsu bahui, etse d'ejí su epuani. Daja huecha cuaja saida anime pu taji cristiano cuana neje, cristiano madhada cuana ibuneda ba taji, jaduininibatiji cuana saida ba taji buetsuataidha huecuana. Ecuaneseda saida cristiano cuana ba taji ecuana sa tsada tuneda di ecuaneda yainia nime paata huecuana puji. Daja huecha jabutseneti jepuiti, cuaja Diusu neje jamitsuti taji, cuaja Diusu mebjame taji, buetsuataidha huecuana. Daja huecha cuaja Diusu ja mesa dharejiji cuana inatsihuame yatani buetsuataidha huecuana. Da putsu, pibapiba taji mahue ai dia taji, ejud'uji cuana jepuiti, Diusu ja tueda ai cuana pahueiti mahue yata putsu. Da putsu, tsapiapiati ejemplo neje Jesús ja buetsuataidha huecuana.

Nuevo Testamento quirica su chacuque ejeutsu puji:

1. Jesús, ¿aidhe cuana nimebeidaji quisa puidha? _____

2. ¿Cuaja ecuaneseda jaduininibatiji cuana bame a taji?

3. ¿Aidhe sa puji ai saida cuana a taji? _____
4. ¿Jucuaja su ecuaneseda ai dia taji, ejud'uji cuana
jepuiti pibapiba taji mahue? _____

5. ¿Cuaja etse equi saida shanapame yainia? _____

6. ¿Cuaja Diusu peje su ecuinahu edid'i? _____

7. ¿Cuaja puji ecuaneda Diusu emitsuinia? _____

Jabuetsuatique versículo Mateo 6.25,26.



JESUS JA CAPITAN SA EMEBAJAJI SAISIAMETAIDHA

Mimiameque Mateo 8.5-13; Lucas 7.1-10.

Jesus ye mundo su anima su, judío cristiano cuana romano cuana sa eme su anitaina. Romano soldado cuana pamapa Israel yahua je anitaina.

Jesús Capernaum ejude su cuinatidha su, romano capitán ja nariataidha tu ebaja puji, mesa emebajaji emanu piba esa pasaisiameta puji. Piada piada judío deja edhi cuana ja di jubida bajapirutaidha Jesús ja nedaji pasaisiameta puji. Uja Jesús ataidha huecuana:

--Ye romano capitán da saida eni. Ecuana sa jude pai cuana ebia su tsahua bahue.

Da su Jesús putija puidha nedaji esaisiameta puji. Beju capitán ja Jesús uja ataidha:

--Ema mu ai eni mahue mida quema ete su enubi puji. A mi u jenetia hue pasaisi puji cuatsasia cua su, quema emebajaji saisi cua.

Da su Jesús nimetiunetidha, capitán daja epuani id'aba putsu. Uja cristiano cuana ataidha:

--Ene putsu, yama micuana equisainia, pamapa Israel yahua je aimue yama aidhe biame ye deja nime ba. Aimue aidhe biame Diusu peje su tu enimetuheatiani nime yama ba.

Da su Jesús ja capitán mesa ete su beitutaibana. Uja ataidha capitán:

--Mi jei puitia putsu, beju mique emebajaji saisitia.

Da su capitán mesa ete su jasiapati putsu, Jesús ja da hora su hue mesa emebajaji saisiameataidha bataidha.

1. Da tiempo su, ¿aidhe cuana sa eme su anitaina judío cristiano cuana? _____
2. ¿Aidhe nedaji puina? _____
3. ¿Jucuaja jepuiti judío deja edhi cuana mimitaidha capitán sa saida puji? _____
4. ¿Cuaja capitán mesa janimetucheati cuana Jesús peje su jabametidha? _____
5. ¿Ai hora su saisidha nedaji? _____

Jabuetsuatique versículo Juan 14.6



DEJA EJAJA HUARARAJI SA QUISA

Mimiameque Mateo 13.1-9; Marcos 4.1-20; Lucas 8.11-15.

Pia tsine su bahue quisa neje Jesús ja cristiano cuana buetsuataidha. Deja cuinananaidha ebanabana puji Jesús quisa puidha. Tueda yahua su ejaja ebana puji equene yahua basetataina huecuana. Equene bubujusiataina huecuana. Arado neje tsaunuji pedataina huecuana. Daja ape putsu, med'i saida mediataina huecuana. Media putsu chu, ejaja cuana banataina huecuana.

Da su uja quisa puidha Jesús:

--Piada deja cuinanana mesa yahua basetajiji esa su ebanabana puji. Tueda basetajiji yahua su huararatana ejaja chidi cuana. Piada piada ejaja chidi cuana dajajatana edid'i je. Da su d'ia janana cuana pue putsu, chudupetana. Piada je piada cuana med'i pamuda mahue, tumuji su dajajatana. Da su tipeida murutana. Id'eti cuinanana su, saramepetana, d'au mahue ta putsu. Piada piada ejaja cuana dajajatana junu quid'aji duju su. Da su aquid'a cuana ja manuamepetana. Piada piada cuana med'i saida, pamuda su dajajatana. Da su muru putsu, jajaji saida putana.

Daja Jesús ja buetsuataidha huecuana bahue quisa neje. Uja epuani Jesús sa jabahuequisati cuana:

--Tueda deja ja Diosu sa mimi ehuaratani nime. Tueda ejaja cuana edid'i su edajajatani da Diosu sa quisa eid'abatani cuana nime. Id'aba putsu, aimue eshanapatani huecuana mahue.

Pia ejaja cuana edajajatani tumu med'i pamuda mahue su da Diosu sa quisa beidaji neje eid'abatani cuana nime. Quejucua tsine hue saida eputani huecuana. Da su cuaja d'au pamuda ehuid'atatani cuana emanutani nime, daja tuneda quema quisa saida cuana jenetia enetideratani sufrimiento cuana jepuiti. Pia ejaja cuana edajajatani junu quid'aji cuana duju su da pia Diosu sa quisa eid'abatani cuana. Id'aba biame, ye mundo sa ai madhada cuana ebia su tsada ebatani huecuana. Cuaja junu quid'aji cuana ja saida emurutani cuana etaitanamepetani nime, daja da ye mundo sa ai madhada cuana ja tueda quema quisa eid'abatani cuana emadhatiatani. Pia ejaja edajajani med'i saida su da pia

Diusu sa quisa eid'abatani cuana nime. Butsepi eshanapatani huecuana. Cuaja med'i saida su ejaja cuana ebia su ejucuatitani nime, daja Diusu sa puji ebia su ai mudu saida cuana yatani huecuana.

1. Tueda yahua su, ¿Ai yatani ejaja ehuarara puji? _____

2. Dereque pushi eti jude cuana ejaja cuana dajajatana su.

3. Dereque ai quisataidha Jesús ja deja ejaja cuana huararaji jepuiti. _____

4. ¿Ai nime tueda ejaja cuana? (Chacucue Marcos 4.14 su.)

Jabuetsuatique pushi yahua cuana, ejaja huararaji cuana dajajatana su. Daja huecha jabuetsuatique ai quisataidha Jesús ja da jepuiti.



LA PALESTINA del Nuevo Testamento

